

純常子枝語

6
59

純常子枝語卷二十二

萍鄉文廷式撰

希臘教於俄國功益甚大然其別派有莫魯干教一派一千六百六十六年俄國總牧師尼剛改正教會規則有株守舊規者遂析爲二自後俄國政府待此教甚酷屢窘逐其教徒有移住西伯利者又別爲莫魯干一派而黑龍江州之伯拉照夫琛斯克府之實業家多從之此教不行洗禮及聖祕禮等嚴禁豚肉煙草酒類恰與回教相似其教徒勤儉富裕今益多傾向者然俄人於此教甚嫌忌待之之法律頗苛酷凡各人自信奉者

不許教化他人關莫魯干教之書籍總禁出版不許公行祭祀拜神等余案莫魯干教俄國新志未著其名然新志卷六云猶太教之外無論何國何教俱可行於俄國惟希臘教新分門戶不服國家所立之章程所以奉希臘教之人非惟妬嫉且欲害之近來不服俄國教派之人略有一千二百萬名年盛一年按西伯利地誌所記莫魯干之事亦其證也

遼史之大賀氏今譯爲達瑚爾氏契丹之名不知所出達瑚爾氏則滿洲姓氏錄內亦有之滿洲地誌云現今土著黑龍江沿岸及俄屬貝加爾州之間尙稱達瑚爾

人則達瑚爾與滿洲同種無疑

按此說略
欠分晰

遼史所載頭

魚宴及置彘人獐人鹿人等官皆達瑚爾人之風俗達
瑚爾人尤信薩滿教疾病出入必令薩滿祈禳卜其吉
凶一如薩滿所言遼帝攻伐進退皆使薩滿卜之而後
行又唐書所記如死尸挂樹上埋葬乃薩滿本教西伯
利地誌達瑚爾人及索倫人一條云達瑚爾人宗教奉
喇嘛教與滿洲地誌異又云索倫人言語同滿洲以與
滿洲同種族故案 欽定三史語解遼史用索倫語金
史用滿洲語迥不相同未知此書何所據也

海錄碎事卷七下引燕北雜記云契丹罵漢兒作十里

鼻猶言奴婢也按十里鼻蓋卽鮮卑之異譯古書多有
鮮卑奴之稱此其遺語也

宋葉夢得石林燕語記高麗王徽訥華嚴經願生中國
一夕夢至京師觀燈爲詩識之曰宿業因緣在契丹一
年朝貢幾多般是高麗人亦以契丹稱中國

露國事情

五百三十
六七頁

喇嘛教之教職法律中有定數於

阿魯麥苦士人中選定受喇嘛僧侶長之職名由政府
俸給之東部悉畢利亞寺院三十四各寺院有僧長管
理喇嘛之外有冀魯列谷士骨只魯士叭列跌士哈叭

洛庫士凡二百五十之名稱

富永仲基出定後語下云淨飯王泥洹經佛躬欲擔相
世界震動普曜經佛踊身虛空不受父王作禮增一經
養母大愛道沒佛躬舉牀一腳阿難奉一腳孟蘭盆經
佛弟子修孝順者應念念中常憶父母乃至七世父母
彌沙塞律父母不聽不許出家又或云減衣食之資以
養父母或云世若無佛善事父母善事父母者卽是事
佛大集經或云左肩擔父右肩擔母偏行大地亦不能報
恩父母恩重經是迦文之教所重全在孝也然如後世黃檗
大義渡事實狂子顛倒地獄之設亦爲此曹也大氐漢
土佛法多疏于親是本出于折儒家在竺土則殊不然

黃檗大義派事
出于正宗贊

唐智嚴譯佛說師子素駄娑王斷肉經云聞月答言辦
素味無辜淨食祭祀天無辜淨食蓋謂自死肉也
龍樹菩薩福蓋正行所集經卷一曰佛住舍衛城時眾
會有二外道曰迦毗羅大仙烏嚧迦大仙按迦毗羅卽
劫比羅烏嚧迦卽喎露迦譯音無定字也

海錄碎事卷八引譙子法訓曰人有無禮者其獮猴乎
雖人象而蟲質

晉嚴昉相兒經一卷

五朝小說
魏晉六

義楚六帖七引王儉七志四部書目言文字者凡二十

九部九十九卷有古今奇字二卷郭訓作字屬篇待考

卷賈叔作作解字要一卷字指篇一卷郭訓作雜字音七卷王延作作文字要一卷說文音隱四卷要用字苑一卷葛洪作字指二卷李彤作

白樂天諷諫詩立部伎第五自注云太常選坐部伎無性識者退入立部伎又絕無性識者退入雅部則雅部之聲可知也沈存中夢溪筆談卷五云外國之聲前世自別爲四夷樂自唐天寶十三載始詔法曲與胡部合奏自是樂奏全失古法以先王之樂爲雅樂前世新聲爲清樂合胡部者爲宴樂崔豹古今注卷中橫吹胡樂

也張博望入西域傳其法於西京唯得摩訶兜勒二曲
是西域之音前漢已入中國鄭夾深通志樂略云按今
之樂有伊州涼州甘州渭州之類皆西地又按隋煬帝
所定九部夷樂西涼龜茲天竺康居之類皆西夷也觀
詩之雅頌亦自西周始凡是清歌妙舞未有不從西出
者八音之音以金爲主五方之樂惟西是承雖曰人爲
亦莫非稟五行之精氣而然余案郭茂倩樂府詩集卷
二十一云大鼓十五曲小鼓九曲大角七曲其辭並本
之鮮卑則亦有出於東者蓋樂之爲用在於感人韻任
之音周用之矣采萬國之聲容備一王之制作亦何不

可之有惟明皇瀆聽雅樂遂淪沿及五代朝會差京府

衙門首樂官權充又各業胡部音聲不閑太常歌曲

見五

代會要卷七晉開

運三年劉渙奏此則禮壞樂崩不能無責爾

余前錄希姓近閱趙鹿泉清獻集詩自注云漸慎行居濟甯叩其得姓之源曰本姓賤先賢子賤後以字爲氏也獨見遺於氏族略姓譜諸書自宋時遷豫章始隨音呼改爲漸還居此三百年矣是吾鄉故有漸姓

容齋隨筆卷十六云梁武帝時有交趾人并韶者富於詞藻詣選求官而吏部尙書以并姓無前賢除廣陽門郎韶恥之遂還鄉里謀作亂余案漢末士大夫多避地

交州并韶或是并官氏之後除複爲單亦未可知然以門籍論人阻其仕進適足生亂亦歷代之殷鑒已

聖祖仁皇帝御製百家姓有程賴刁鉗句是今時應有

鉗姓按鉗字爲鐸之俗字此假作斗又康熙字典引姓苑宋處州刺史

鉗滔按晉有松陽令鉗滔見隋書經籍志北堂書鈔一百一十

鉗滔陳刻誤作鈞滔疑鉗字或書作鉗故訛爲鈞耳姓苑當是何承天書滔或入宋仕至處州刺史矣

宋史藝文志樂類有昭微古今琴樣一卷是宋時有昭

姓

汪輝祖元史本證證名篇人名之異者如也速答兒一

作也速帶兒

世祖紀至元十九年

一作也速帶

至元二十六年

一作也速

帶而紀

成宗紀

一作也速答而

成宗紀大德四年

一作也速迭而

大德

七年

一作也速迭兒

兵志一

又忙兀台一作忙古帶

世祖紀屢見

見一作忙兀帶

紀屢見崔或桑哥傳同

一作蒙古帶

紀至元十五年

一作

忙忽帶

兵志二一年

一作忙兀臺

三十一年

一作忙古鶻

河渠志二食貨志二

是

兵志三

一作忙古歹

唵木海伯顏傳

一作忙古臺

高興劉宣傳

人而七名九名也

地名之異者如班朱尼河

亦稱黑河見阿塔海

班朮河

亦土哈耶律

一作班眞海子

紀十一年有盧朐河疑卽龍居河

一作班朮居河

速哥傳

班朮河

律秃花傳

一作班眞海子

赤台傳

一作班眞河

麥里

一

傳

一作辨屯河

耶律阿海傳

又昔木土腦兒

至元元年止稱昔木士

一

作失木魯

特薛禪傳

一作石木溫都

尤赤台傳

一作失木禿

答兒抹兀

傳一作失木土

鐵邁赤傳

一作失門禿

昔兒吉思囊加反傳

一作昔門禿

禿

阿刺罕小憐石脫忽憐傳

一作失木里禿

杭忽思傳

一作失畝里禿

朶羅

台傳

是一地而六名九名也元史雖成於眾手何至一篇

之中前後頓異蓋所採原本文字多歧秉筆之人未敢

輒易致此紕繆良非偶然故譯語一事宜有科條詔示

於先一成不改如菩薩之號既定則布薩蒲薛之字悉可從刪蒙古之文既彰則蒙哥忙兀之名固宜勿用今者萬方輻湊九譯紛來鞮寄之司所宜考也又元史地名歧異尤繁汪之所證尙多未備

明史藝文志譜錄類吳沈千家姓一卷按吳沈進書表
此書實與劉仲質吳宗伯同撰然約爲韻語凡姓一千
九百六十有八名千家姓則其書絕無攷訂不過村塾
讀本之類耳氏族之學唐以前尙有專家然元和姓纂
已多蕪累唐書宰相世系表亦每失之傅會宋邵思鄧
名世後未有成書凌氏之萬姓統譜夏氏之奇姓通特
類書耳未足語於類族辨物之學也余嘗欲使中國各
行省就今日之土斷使各上姓氏戶口編錄成書其有
宗祠義塾悉署之表婚姻掌之媒氏繼嗣屬之有司使
天下士庶行業人民流轉燦若列眉無有所隱一年一

表五年復大整齊之以示國中亦王政之要道也

楊升菴曰洪武中翰林學士吳沈等編千家姓以進傳
之天下今世猶以宋時百家姓訓蒙失之矣余謂吳書
實無以勝宋時村塾之本氏族之學心攷源流兼知種
別非訓蒙之所急也若以爲識字計宜莫要於讀說文
部首矣謝肇淛五雜俎卷十四云吳沈等千家姓以朱
承天運爲始其中有怪僻不經見者而海內之人又有
出于家之外者惜當時儒臣未能徧行天下廣蒐之也
王文簡池北偶談卷十二云文登叢大司空蘭本漢祋侯
金日磾之後相傳日磾四十五代孫永遷縣之叢家峴

家焉遂以爲姓江西多淦氏舊傳亦曰碑後有金賦者
宋南渡爲兩川制置使以姓同北國高宗爲加三點遂
有淦姓亦見皇華紀聞按禹域之中西晉以來五胡雲擾推原

氏族訛變良多余嘗欲撰姓氏書徧徵天下譜牒存其
實證去其淆謬以今地望系之其祠廟婚姻之事悉先
箸於冊而官爲稽攷亦類族辨物之要政也

高詠遺山詩李中丞歌自注云黃連解爲宣邑所苦中
丞李公奏免其半善政也其詩云詔使索黃連徵書十
道宛城邊刻期採辦苦不早軍帖督催何草草朝攜長
鎌劙荒邱筭篁棘荆淨如掃我聞此物產益州棧道連

雲劍閣愁吳嘉紀陋軒詩打鮆魚云打鮆魚供上用船
頭密網猶未下官長已備驛馬送櫻桃入市筍味好今
歲鮆魚偏不早觀者倏忽顏色歡玉鱗躍出江中瀾天
邊舉七久相遲冰填箬護付飛騎君不見金臺鐵甕路
三千卻限時辰二十二第二首云人馬銷殘日無算百
計但求鮮味在余謂當時官家不過採藥物嘗鮮魚而
有司奉行病民如此可慨也且三千之路而限以二十
二時則較後來之驛遞日行八百里者更速矣嘉慶一
朝力卻貢獻棄玉之舉卓越後先仁哉

文案馮景寧校邠廬抗議云我朝定鼎之初特詔蠲除